




關
渾
南
鹿
洲
全
集

97.662
4421
:16



東征集卷五



天長王者輔近顏評

漳浦藍鼎元玉霖稿



料三林逸賊逃歸內地請移廣省擒捕書

丙山餘孽從三林港焚汛奪舟逸入於海此異事也
搜捕迫蹙無地自容鋌鹿險以偷生亦勢所必至耳
經遣水師弁兵飛駕哨船分南北二洋追捕杳無踪
跡茲聞其逃入內地在青水溝劫坐商船至銅山洋

面又奪坐小漁舟舍商船夫此賊將散夥返家不久
那想得得到處波濤矣銅洋換舟賊不在遠其歸宿必於潮界大
已入掌中抵樟林東隴鴻溝澄海之間棄舟登岸決然而無疑
在捷者羣賊既為潮人當於潮州捕之彼以為幸脫網羅
不自知其已入鼎鑊也其黨雖多為三林汛兵殺死
有記認之外不過五六十人負傷半焉有頭傷面傷或手足
胸膛創痛危急豈能數日全愈又從朱一貴叛逆時
此記認更確皆割截髮辮今豈能驟長就此求之靡不獲矣獲一
賊則嚴刑夾訊供招餘黨所在逐家擒縛無論五六

果知所料十人即千百不失一也敢請移檄廣東督撫令潮州
鎮道府縣密行各鄉社查緝不旬日間便可悉數擒
獲仍差千把總一員赴潮催提沿途州縣營汛多撥
兵役防護至閩臬示藁街使民知國法萬不可逃即
如北方能革天外奔逸重重大海得脫還家尚有平空踪跡飛縛
想到此處之卧榻之內亦足見盜賊不可為而犯亂終膏斧鑕
雖當之不一為盜矣不若守分安業者之寬然宇宙也則革面革心悔悟
自新之念可以油然而生矣愚人千慮或有一得幸勿
謂迂請嘗試之

寥寥數十賊已脫樊籠大海茫茫那一省不任他
游奕欲于一二千里之外逆億所在設計擒縛此
大難事妙在銅洋換舟機關一啓直想到粵省潮
州卽于各家卧榻內逐一繫來果獲劉國華邱阿
路等五十七人至閩蒙街此等心思豈人所及古
稱料敵如神不是過也

論下加冬半線二守備書


下加冬半線添設守備之議既皆不果則北路空虛
極矣以八九百里險阻曠遠民番盜賊雜處之邊地
而委之北路一營八九百之兵可恃以久安長治乎
半線乃宜設縣安頓遊擊之區今縱未能豈可併守
備不設乎閒居無事尚且宜議綢繆况今旣已亡羊
猶不思補牢乎廟廊碩畫非鄙人之所窺測也下加
冬署守備李郡半線署守備林君卿俱皆可用之才
今二汛守備旣已不設無令其終于干總之理李郡

入臺頗著勞績其志在安靖地方追奔逐北搜山緝
捕殫心竭力不避險艱且其氣局宏遠非諸將弁可
及僅處偏裨之任尚未足展其所長區區守備一官
遂限于命若此耶林君卿以俸滿千總到省請咨赴
部一聞臺警卽願軍前効力志已可嘉大軍征勦北
路君卿率外委丁壯人等前驅清道殺敗賊衆奪賊
牛車人馬砲械實爲出力防守半線地方清寧向使
君卿俸滿赴部勿事軍前已官守備久矣因茲征臺
反滯上進是爲國忘軀之士反不如縮頸蝘蛭安坐
我祖東山一詩代軍士言情不遇

以遷轉其官非執事所以鼓舞羣材得人死力之道
也見今臺鎮水陸各營並無守備員缺可否將李郡
林君卿二員卽于內地題補或就臺員更換在執事
一轉移間耳存公道協人心爲地方收得人之效一
舉三美其實深有厚望焉減兵移鎮撤去兩中營之
檄民間甚爲駭然聞姚提軍已經入告不勝手額萬
一廷議未允尚祈執事勿吝封章爲民請命望切望
切

有功不賞壯士將負戟長嘆矣體其情而憫其勞

推心置腹代為請命即使十年不調彼亦無可怨
尤名將所以得人死力此之謂也



論蘇榮書

○二○字○証○

把總蘇榮雖老壯士也。大軍進攻鹿耳門。榮以小舟
從林亮董方之後。賈勇殺入。某所親見。提軍以其違
令。擅進。故為裁抑。此自軍紀當然。蘇榮嗷嗷怨誹。以
為嫉能蔽功。過矣。將令當遵。一步不可踰越。所以使
人赴湯蹈火。無敢弗從。提軍派定先鋒。榮不在列。一
旦見敵死生。顧鼓棹爭先。是違將軍之令也。律以
擅進之外。榮安所辭。然觀過知仁。聖有明訓。使榮他
事干糺。自應迅伏其辜。臨陣見敵。似當別論。國家

深仁厚澤臺灣安享樂利四十餘年朱一貴無因叛

逆與臣○表○士○自○然○如○此○國為仇凡有人心固不切齒爭欲先啖其肉

豈容偽游瞻顧稍緩須臾蘇榮忠憤所激不知其他

信原情更原情可橫戈直前無袖手旁觀之

理當矍矍是勸羽鼓將○弁○尚○歸○答○耶○擊而縮頸者其賢遠矣榮

過甚小情亦可原直裁抑一時不可棄置終身使

人人畏威遠罪臨敵以將令為推諉非所以勸先登

之士也榮年六十餘膂力尚壯使處偏裨之任自足

効其所長今併一千總而不得則棄置將終其身矣推○心○置○腹○使○蘇○榮○

切○切○鳴○冤○不○過○如○此○隙駒已邁來日無多豈堪為此蹉跎哉提軍養重制

府憐才可以並行不悖撥雲霧而見青天深於執事

有厚望焉某白

臨陣奮勇爭先此老甚是可愛奈何以小故斥之

有此愛惜人才婉轉代白蘇弁已撥雲霧見青天

矣雖復老兵沒齒亦可不朽千秋况從此上進耶

筆墨之妙又不必言

論諸弁書

伏讀憲札。謂某所薦千總李郡胡廣林君卿三人。李
郡既已知之。胡廣矜功使氣。林君卿縱兵賭博。二弁
尚待斟酌。軍前千把總可用者。再舉數弁備擢可也。
執事為地方掄才。至詳至慎。自必有所風聞。但功而
不。矜。尚。且。要。忌。况。矜。耶。矜則眾所忌。胡廣果有矜功。同列無不知之。諸將弁
未言及者。武人氣盛。在所不免。然未嘗與人鬪爭。未
嘗虐待士卒。及悻悻不平之意。見於顏面。則使氣之
說。似亦未可信也。林君卿小心謹慎。營伍頗飭。北路

距府未遠搜山殄孽將士雲屯訪事差弁往來絡繹
 一舉一動某亦無不知之果有縱兵賭博當在叅劾
 之科豈有反為推薦之理大抵世情險薄妬嫉者多
○獨○目○皆○是○何○處○尋○此○大○君○子○
 鬼蜮含沙何處蔑有惟大君子不為所動自不待禁
 而見現曰消耳南澳鎮左營千總陳瑞樸實勤謹老
 成練達臺鎮右營千總倪鴻範才具優長營務熟諳
 使居偏裨之任二弁皆綽乎有餘臺鎮左營把總林
 三○今改姓名人材出眾膽畧亦優出兵搜捕不遺餘力
○楊啓忠
 臺鎮右營把總何朝有外拙訥而內明晰果敢慎勤

志操向上二弁再加歷練未能定其所至也夫人固
 不易知知人亦不易惟在用之而已璞有玉而沙有
○何○益○
 金亦必待琢之淘之而後人知其金與玉也諸弁皆
 待良工以成器則胡廣林君卿終未可以沙后棄之
○到○底○不○放○過○
 妬嫉萋菲已成風尚賢哲所以嘆投畀也投畀亦
 不能盡惟勿聽二字可以了之此其過畢竟在信
 讒者

論周彩書

連江營把總周彩勤謹歷練去夏隨師征臺著有勞績。秒冬撥防岡山。正值南路癘疫盛行之際。各營征兵多畏死。憚行幾千軍。紀獨彩毅然前驅。為士卒倡。深可嘉也。繼擢補岡山千總。以家貧累重。辭情願仍安把總。勞苦趨公。每從都司閔威于南北二路搜捕。山谷不避險艱。乃實在出力之員。凡事向前。無少推○只此○一○件○便○可○薦者。也。今地方事定。令其班師回營。倘內地有千總員缺。可以超拔之處。伏祈勿吝優擢。示鼓勵焉。某庸

劣下材。謬膺海外重寄。所賴行間將士協心宣力。共效愚忠。方得疆圉寧謐。而各處出力弁兵。惟搜山為最苦。風餐露宿。雨浸炎蒸。所歷之地。又皆層崖密箐。鳥道羊腸。登高則攀藤如懸于壁下。險則滾落如墜于淵。今年三四五月。北方采入其阻兵丁。或迷失道。或跌入坑澗。蟲蛇螞蟻。吮嘍至死。言之可為痛心。某恨無厚賞酬庸。不得人人。而加之官爵。乃至裁缺候補。弁目於營制幸復之後。亦不能使沾實職。少報其出生入死之勞。真覺面慙耳熱。赧赧不欲與吏士

相見也。今各營弁缺安頓已定。無用多言。尚冀留此

地。將臺中奉裁候補。現在軍前勞勩之弁。陸續補

以慰眾望。某非有所私。不過欲使長征士卒共服


憲臺公道耳。請先優擢周彩。以為之標可也。

古今名將。所以鼓舞人。必能得人死力者。止是體

恤弁兵。知勞知苦。賞罰公道而已。緩急則用之閒

暇。則棄之。他日有事。孰肯攘臂向前哉。此篇纏綿

愷切。直可感動全軍。非僅為周彩發也。



論蔡奕陳祥送考軍前弁缺書

本標兵

本鎮

蔡奕陳祥南灣目兵也某由南灣鎮總統大軍克復

臺灣奕與祥隨征出力乃給外委把總累加至守備

○二○語○似○見○急○宜○補○官

職銜是軍前用命勞績顯著者也奕在軍最為勤謹

日夜巡防無一刻之暇祥從某在溫州屢次跳船擒

舊日功績

○見○在○功○績

獲洋盜孫森等輩今又撫杜君英擒韓淵雖狀貌不

偉而才畧可用並經先後備形薦牘言之詳矣春間

本營缺

以灣標把總黃喜軍前病故員缺特將蔡奕陳祥申

送考驗拔一頂補以領灣兵之征臺者于三月內遠

涉重洋。奔馳至省。則提軍以某咨文為不可用。駁令千里往灣。另懇署鎮文書。遂使二人流離落魄。空勞往返。跋涉數千里。匍匐而之南灣。延今已五越月矣。灣中遊守。拘牽陋例。弗肯備文申鎮。不知鎮文何時到厦。又不知厦咨何時到憲。陳蔡功名終屬子虛。所以灰軍前將士之心。墮豪傑立功之志。非淺鮮也。夫以南灣征臺。目兵補南灣。征臺把總已無可議。况以軍前病故之缺。補軍前用命之人。有何不合條例之處。且征兵係某總統二千協防之兵。又復付某鈐轄。

單。刀。直。入。是。斬。釘。截。鐵。手。段。

以。南。灣。征。臺。目。兵。補。南。灣。征。臺。把。總。已。無。可。議。况。以。蘇。張。亦。難。置。辯。

理。直。氣。壯。雖。

有犯軍紀。則操三尺以繩其後。今以送考弁目細故。尚薄其文書為不足憑。則某既不得預爵人賞人之

痛。切。

舉。有何面目。欲以刑人殺人。彈壓地方。是軍前事事

俱必受權于內地。原營自今以後。凡有干犯軍紀。應

移內地懲究。某不得過而問矣。提軍儒雅名帥。素曉

將兵。未必膠固至此。夫抵書吏不遂願欲。所為某一

人。薄面無足重輕。但恐呼應不靈。有悞地方大事。不

得不縷述于執事之前。惟望稍為主持。以鼓舞而作

興之。使軍士有所觀感。奮勵立功。則高厚深仁。邊陲

共戴不獨身受者銘勒心腑也絕好証佐如神今西藏用兵軍前拔龍掉尾補弁目果有遙聽內地原營作主務必匍匐數千里來換文書則某其何說之辭

鳴鏑方飛則英雄出力捷書已奏則書吏秉權自古皆然昔人所以負戟長嘆也有此苦口代伸不由人不感激流涕願為之死所向有功良非偶耳

論臺中時事書

臺中時事有陡然而來長沙氣味大可慮者三米貴兵單各官窮蹙政務懈散而又將有移鎮澎湖之舉是合之而四矣近日斗米賣錢三百某不自度量移檄道府借動倉穀三萬石減價平糶大擔當當事者難之某以民心皇皇不可遲緩倘上臺督責則某一人獨償於是道府發奮共肩其任已經舉行民情稍慰併檄諸羅令開倉勸庄戶出陳易新嚴禁囤積及商船透越諸弊北路訛言未息諸羅營縣請兵協防隨遣把總林時葉陳雲奇張


東征集卷五
天寶領兵三百。於是月初三日協防去矣。北路地方
千里深山曠野處處賊窠。卽再添設一營尚苦鞭長
不及今一兵不增。又欲調離其鎮于數百里海外之
澎湖。是直委而去之。豈但如累卵之危乎。此時移鎮
未行。又有協防兵二千足資調遣。然外九庄笨港以
上盜賊頻聞。皆距汛防寫遠。巡察不及。加以野番出
沒。亦須防閑。秋成尚早。人心易動。種種情形。已如抱
火復慮協防之兵尚非長久之計。恐議者謂臺平無
事。可以撤回。則焦頭爛額。將有大不可言者。邇者臺

地各官多以五日京兆不肯盡心竭力任地方安危
之寄。高守不敢思歸。又以戰船賠累。惟無米之炊。是
急心灰氣隕。以脫然廢棄爲幸。何能得有餘力整頓
地方臺道各縣。強忍不敢言貧。九營將弁人人有救
口不贍之嘆。此真孤掌難鳴。一事不可爲之秋也。夫
官人于遐荒異域而絕其養廉之資。使枵腹爲國
家辦事。幸時際隆平。不過空乏其身。脫有一方草動
呼應莫靈。惟有坐以待斃而已矣。鄙意前人官庄宜
酌量大小衙門留還少許俾足養廉之用。畧加饒裕。

以備不虞。今悉數歸公使各官窮蹙至此。豈所謂地
 方之福乎。國家四海之富不在區區。增益數萬之
 金錢。一旦有悞封疆。即費百萬之錢糧。而不足及今。
 檄令開墾。如北路林壘。埔竹塹。埔可闢良田十數萬
 畝。即於此內再創官庄。尚可補救。將來免生番殺人
 之患。而執事又有劃界避番之說。則亦未如之何矣。
 鳳山令不肯植柵為城。亦以巧炊藉口。某于道府之
 前痛切言之。已許可矣。此雖小事。但營縣無遮攔。如
 人家無門戶。行道皆得胥篋而去。折柳樊圃。足禦狂

夫未可以為微而忽之也。某小才任重。時事關心。苦
 無將伯之助。非孜孜為地方各官謀。口腹身家之計
 又未知移澎一節。雖經提軍入告。可得挽回與否。目
 前艱鉅。雖電勉不敢告勞。移澎之後。天各一方。此間
 治亂情形。非某所能逆料矣。言詞絮聒。繁冗無緒。惟
 執事之急為維持之也。

滿腔熱血。時事艱難。不得不大聲疾呼。庶幾補救
 一二。雖未免慷慨激烈。可想見被髮纓冠神情。



論擒獲奸匪便宜書

臺民喜亂如撲燈之蛾死者在前投者不已其亦可
可憐可恨
 憐甚矣前月遣兵搜捕北埔寮諸山及諸羅縣令北
 路將弁差委弁員人等先後擒獲劇賊李慶黃潛蘇
 齊等四十餘人本擬即于軍前竿首藁街以儆無賴
應當如此
 道府以地方既平欲行善事效古人死中求生得情
迂儒之見
 哀矜之意備敘供由解回內地聽臬司審擬分別正
亦是
 法某以為非靖亂之道但意在文武和衷不得不委
 曲從衆竊心疑此間莠民將有輕視法網謂叛逆可

以從寬不妨復嘗試者兩月以來夜不能寐密差弁
 員四處偵訪果有好民鄭仕綽號急燒疎布散訛言
 招集亡命謀于六月初一夜豎旗縱火燔文武衙署
 抄掠市肆是日大雨連宵各自散逃某聞知捕治併
 其黨蕭興祖李柯等供認不諱復會委臺灣令周鍾
 瑄搜捕鄭仕家窩黨獲其檔冊會同道府質訊則冊
 中開列偽爵人數黨羽數萬人一時百姓旁觀多有
 駭愕狀周令恐牽連者眾民心驚惶密白道府將偽
 冊當堂焚燬某大敬服其能即令燒去鄭仕等情罪

既確死有餘辜立斃之庭以彰國法以快人心從此
 匪類廓清諒無復作孽求死者矣但副將徐左柱已
 經至臺某當遵旨赴澎湖劄既行之後則非所
 知應否諭令徐副將凡事少加斷決不必拘牽文義
 以長奸頑則在執事稍假之便宜非某所敢饒舌也
 安定反側原不可拘牽文義以老婦煦煦行之此
 作似立意火烈然鄭仕一案止斃為首渠魁不肯
 多為株連亦未嘗有背于古人死中求生得情哀
 矜之意可見不是刻薄好殺但理勢不得不然耳

論復設營汛書

臺○兵○宜○增○而○不○宜○減○營○宜○增○而○不○宜○裁○某○向○者○言○之○
一○腔○熱○血○只○為○海○外○奠○安○是○以○情○見○乎○辭○
 再○三○不○啻○賈○生○慟○哭○今○乃○有○復○舊○之○日○耶○當○守○聖○
 明○苞○桑○永○鞏○可○手○額○相○慶○賀○矣○月○之○初○十○日○接○部○文○
 總○兵○仍○舊○駐○臺○水○陸○兩○中○營○悉○還○舊○制○併○將○道○標○弁○
部○文○原○不○差○
 兵○裁○歸○鎮○轄○安○設○南○北○二○路○適○中○要○緊○之○處○十○八○日○
 復○准○提○軍○咨○移○將○道○標○守○備○撥○歸○右○營○令○帶○把○總○一○
 員○兵○二○百○四○十○名○駐○防○岡○山○道○標○千○總○撥○歸○左○營○令○
 帶○兵○一○百○二○十○名○駐○防○下○加○冬○水○師○協○營○撥○千○總○一○

員帶兵一百五十名駐防笨港把總一員兵一百二十名駐防鹽水港可謂佈置極善但某愚見猶願竊有請也岡山雖起亂之所然不如羅漢門要害鄙意欲將守備弁兵安設羅漢門以扼南中二路之吭四○面○控○扼○極○得○要○言○上可控制大武壠下可彈壓岡山東可斷賊人巢穴生番出路西可絕猴洞句○了○然○口舊社紅毛寮之退步於形勝其得扼塞使鳳諸盜賊不能相通往來正合廷議所謂適中要緊之處詢之南路陳參將所見不約而同今提軍欲安頓岡山尚屬治未而未及本之論執

事似當細為裁酌之下加冬笨港鹽水港三處安設

至當不易但某愚見尚以臺北地方千里防汛空虛

半線鹿子港諸處提軍並未籌及半線乃宜設縣安

頓遊擊之區今縱未能亦豈可遂置度外將謂協防

暫駐之兵可長恃乎鄙意水師既復三營似可徑撥

一營在外以為犄角不必蟻聚安平將左營遊擊帶

兵船駐劄鹿子港兼顧半線就撥千總把總帶目兵

分防笨港鹽水港餘港汛皆仍具舊總自蚊港以上

直至淡水營交界皆聽鹿子港遊擊管轄則臺北沿

海一帶可以無憂。可以補北路陸營兵力之所不及。○警○語○入○
 無千里空虛之患。不知執事以為何如耳。夫地非親。○骨○令○聞○者○通○身○汗○下○而○文○氣○亦○開○若○安○閉○
 歷未免扣槃疑鐘拘墟一隅遺忘全局非經國安邊
 之道也。水師中營少守備一員。則提標前營千總陳
 啓俸水務孰諳。樸誠勤謹。堪以補用。近護送侍御吳
 公來臺。鹿耳門陡遇惡風。斬旋吊舵而入。○現○在○証○佐○欽差得
 以無恙。是其見效之一徵。同日同到之船不能收入。
 或飄至打狗。即嬌擊碎。或飄至山後。蛤仔難擊碎。毫
 釐之差。千里之謬。可知水師全在諳練。不比內地可

以苟且也。陸營少千總一員。把總三員。水師少千總
 二員。把總四員。臺中裁缺千總多已調回。當于內地
 另行選擇。把總則余青周宣張天寶吳得功蘇思維
 林福林時葉等七弁。皆人地相宜。堪以補用。有益地
 方可無俟他求耳。某疎庸。識總為海外莫安起見。
 憑臆妄談。不必其言之可採。惟執事留心區畫。則幸
 甚。

經理地方為百年久安之計。自不應扣槃捫燭。隨
 意安放。如善弈者。只爭一二子。便覺勝負立分。斯

文其弈秋之亞乎

身行集卷五



與朱叅戎札

句十有共刺

邇者北路地方竊劫之盜盛行足下亦曾知之乎大

坵田朱曉庄方遭其毒今笨港社尾又見告矣僕遠

隔百餘里某夜疎失某家亦已訪知甚悉褊衷急性

不能袖手旁觀足下身在地方乃故作寬弘大度若

為不見不聞也者諒匪類俱必深感厚恩怨鄙人之

苛刻也開春未及匝月行劫已十數處十數處大盜

未聞獲一不知防是汛者所司何事居汛防之上者

所司更何事也足下試一振刷使貫屬備弁以開場

更正美家三札

三

馮秉

放賭之智為搜緝奸匪之謀地方何患不寧謐乎僕
 暫留彈壓班師有期五日京兆越俎徒嗤諸君亦以
 其為過客也五言者長焦聽者耳聵不思熒熒之火
 或致炎崑涓涓細流將成巨浸况茲叛亂甫平野心
 未泯尤當防微杜漸遏孽初萌既可聚黨數十人操
 械行劫晏然莫敢過問則由此擴而充之夫亦何事
 不可為恐我行之後諸君將悔而噬臍無及耳恢復
 此邦談何容易若復掩耳閉目坐觀其微諒有人心
 者斷不出此敢祈足下略飭備弁將十數處行劫之

賊稍緝一二以塞我願地方之福諸君躬坐而享之
 於僕無所預焉不然僕亦無如諸君何惟有備敘歷
 次詳悉咨呈制軍應否用恩用威聽其裁酌而已恃
 在至愛特此相聞願望回音曷勝翹切
 心急于安靖地方而遇此泄泄沓沓之將弁不得
 不耳提面命雖過于激切弗顧也筆下鋒鋞可畏
 是十萬軍中上將手

與林遊戎札

○直○叫○而○起○此○法○得○之○漢○人○
臺北餘孽未淨而足下遽爾思歸僕竊以為舛矣足

下欲以北路餘燼諉之本汛文武員弁託為軍士久

羈跋涉含嘆怨言等語是將以愚僕耶僕思足下膽

略素優忠勤有志而今乃若此謂協防官兵無地方

責任應高坐以遨遊乎抑北路參將舍子他求尚有

憤愠未能自釋者故存匠心欲觀其傲也夫食人之

祿忠人之事足下身為朝廷職官自當瘁躬報國

無分畛域豈可以童孺婦女之見搖軍中吏士之心

巨○斧○劈○頭○却○絕○有○風○韻

此僕所大不解者足下以為無與已事則固儼然提冷句有刀標尊貴之員曷不高坐鷺江而必遠泛重洋與僕共事於此即僕統師征臺臺郡既復可以振旅回灣而亦必久留彈壓以迄今茲可知此中均有不能自便者亦冷亦雋也軍士久役僕寧獨非人情但足下北行方十餘日三林竹仔脚兩處大盜未聞足下報獲一賊拔賊明聲其罪而責一毛較昔人役久不用歷三時而後還相去正自有間足下素能拊循士卒善得軍心何至數日之間輒來含嘆又復敢有怨言將無足下將兵亦有不能十

分善馭之處耶僕雖庸劣不才弗克恩施軍士豈忍聽其久役興嗟不為更迭輪換應否一二月為期遣發目兵前往換防僕胸中自有主宰足下靜而聽之可矣倘足下必恃功固執未忘觖望參將之心僕亦不敢相強去來悉依尊便苟軍紀而可廢於足下復何尤哉僕知足下婉變新好妬寵爭憐實在衷情難割但丈夫以身許正容篤論國亦難常遂燕私來日正長暫煩忍耐勉之勉之

跋扈驕恣應登白簡因其新立戰功不忍遽繩以

罪從寬札諭改過自新此寬仁之斧鉞也篇中厲
聲切責亦復婉巽多風冷語微嘲能使骨碎膽落
必有此種鋒稜乃可以馭梟將

諭閩粵民人

鄭章毆死賴君奏賴以槐按問抵償聞汝等漳泉百
姓以鄭章兄弟眷屬被殺被辱復仇為義鄉情繾綣
共憐其死本鎮豈非漳人豈無桑梓之念道府為民
父母豈忍鄭章無辜受屈但賴君奏賴以槐果有殺
害鄭章兄弟家屬應告官究償無擅自撲殺之理乃
文武衙門未見鄭章片紙告愬而賴家兩命忽遭克
手雖欲以復仇之義相寬不可得已况賴君奏等建
立大清旗號以拒朱一貴諸賊乃朝廷義民非

聚眾為盜者比鄭章擅殺義民律以國法罪在不赦
○以○下○是○為○講○和○使○解○仇○怨○
 汝等漳泉百姓但知漳泉是親客庄居民又但知客
 民是親自本鎮道府視之則均是臺灣百姓均是治
 下子民有善必賞有惡必誅未嘗有輕重厚薄之異
 即在汝等客民與漳泉各處之人同自內地出來同
○想○到○此○處○雖○秦○越○亦○成○一○家○
 屬天涯海外離鄉背井之客為貧所驅彼此同痛幸
 得同居一郡正宜相愛相親何苦無故妄生嫌隙以
 致相仇相怨互相戕賊本鎮每念及此輒為汝等寒
○幾○于○淚○泫○泫○下○
 心今與汝民約從前之事盡停逝流一槩勿論以後

不許再分黨羽再尋仇讐各釋前怨共敦新好為
 世之良民或有言語爭競則投明鄉保耆老據理勸
 息庶幾與仁興讓之風敢有攘奪鬪毆負嵎肆橫本
 鎮執法創懲決不一毫假借其或操戈動眾相攻殺
 者以謀逆論罪鄉保耆老管事人等一併從重究處
○此○是○威○之○以○法○
 汝等縱無良心寧獨不畏刑戮本鎮以殺止殺無非
 為汝等綏靖地方使各安生樂業速宜凜遵無貽後
 悔

分門樹黨古今第一禍患雖在民間亦然相戕不

已即成叛逆此必至之勢也殺人償命事屬尋常
緣兩造有閩粵之分是以曉曉不已皆由未知理
法耳先以情理國法開示使之曉然明白中間純
是言情以動其固有之良心末後威之以法以絕
其蟠結之妄念開誠布公焉得不令人心服

東征集卷六

漳浦藍鼎元王霖著

天長王者輔近顏評

紀十八重溪示諸將弁

十八重溪在哆囉囑之東去諸羅邑治五十里乃一
溪曲折繞道跋涉十八重間有一二支流附入非十
八條溪水橫流而過也其中為大埔庄土頗寬曠旁
附以溪背員潭崁下北勢楓樹岡等小計落時

人烟差盛。今居民七十九家。計二百五十七人。多潮。
是客子。了。籍無土著。或有漳泉人。雜其間。猶未及十分之二也。

中有女眷者一人。年六十以上者六人。六以下者
可為隱憂。便有經理意在。無一人。皆丁壯力農。無妻室。無老者。幼穉。三

十二甲。視內地三百六十餘畝。亦據報聞。無核實。清

丈本哆囉囉社番之業。武舉李貞鎬代番納社餉。招

客民墾之者也。自諸羅邑治出郭南行二十五里至

楓子林。皆坦道。稍過則為山蹊。十里至番子嶺。嶺下

為一重溪。仄逕紆迴。連涉十五重溪。則至大埔庄。四

面大山環繞。人跡至此止矣。東南有一小路。行二十

五里。至南寮。可通大武壠。高嶺陡絕。由大山峭壁而

上。壁間鑿小洞。可容足。如登梯。然行者以手攀樹藤。

足踏洞窩。甚險。北路山寇捕急。每從此遁。大武壠通

羅漢門。阿猴林。而為南中二路之患。今下加冬署守

備李郡。奉憲檄。塞山蹊。掘去足窩。斷藤。伐樹。道阻不

可行也。夫過姦宄靖。地方在人。不在險。藤生樹長。而

後保無有開闢鳥道者。亦不可知。似當加之經理。使

凡茲人民。皆有室家。田宅之係。累即孔道。猶重關耳。

斯地故逋逃藪深僻宜防範恐或勞我軍過此諸將
弁識之

昌黎柳州諸記文雖工而不適於用為玩賞遊觀
而已斯篇筆法近之而大有關於軍國此北征之
詩所以勝於南山也 徐侶鹿
留心康乂即偶爾遊觀無非軍國經濟若徒賞其
文字之工則末矣

紀虎尾溪

虎尾溪濁水沸騰頗有黃河遺意特大小不同耳黃

河多紅泥翻波其水赤虎尾則粉沙漾流水色如葭

灰中間螺紋旋繞細膩明晰甚可愛大類澎湖文石

然溪底皆浮沙無實土行者須疾趨乃可過稍駐足

則沙沒其脛頃刻及腹至胸以上則數人拉之不能

起遂滅頂矣溪水深二三尺不通舟夏秋潦漲有竟

月不能渡者余以辛丑秋初巡斗六門而北將之半

線至溪岸稍坐令人馬皆少休已而揚鞭疾馳水半

馬腹車牛皆騰躍而過亦奇景也。溪源出水沙連合。猫丹蠻蠻之濁流為濁水溪。從牛相觸二山間流下。北分為東螺溪。又南匯阿拔泉之流。為西螺溪。阿拔泉溪發源阿里山。過竹脚寮山為阿拔泉渡。西入于虎尾。四溪牽合雜錯。而清濁分明。虎尾純濁。阿拔泉純清。惟東螺清濁不定。且沙土壅決盈涸無常。吾友阮子章詩云。去年虎尾寬。今年虎尾隘。去年東螺乾。今年東螺澮。又云。餘流附入阿拔泉。虎尾之名猶相沿。亦可以知諸溪之大槩矣。虎尾溪天然劃塹竊謂。

諸羅以北至此可止。宜添設一縣于半線。自虎尾以上至淡水大雞籠山後七八百里。歸半線新縣管轄。然後北路不至空虛。無地廣兵單之患。吏治民生大有裨補。不知當局可有同心否。歧予望之。


海外奇景如讀異書。末路歸到添設縣治。足見留心地方。寓目無非經濟。此有關係之文。非山水遊觀苟作也。

紀水沙連

自斗六門沿山入過牛相觸潮濁水溪之源翼日可
 至水沙連內山山有蠻蠻猪丹等一社控弦千計皆
 驚悍未甚馴良王化所敷羈縻勿絕而已水沙連嶼
 在深潭之中小山如贅疣浮游水面其水四周大山
 山外溪流包絡自山口入匯為潭潭廣八九里環可
 二三十里中間突起一嶼山青水綠四顧蒼茫竹樹
 參差雲飛鳥語古稱蓬瀛不是過也番繞嶼為屋以
 居極稠密獨虛其中為山頭如人露頂然頂寬平甚

果然仙景

見得尚煩憶化




可○愛○詢○其○虛○中○之○故○老○番○言○自○昔○禁○忌○相○傳○山○頂○為○
無○理○姑○漫○聽○之○屋○則○社○有○火○災○足○以○不○敢○嶼○無○田○岸○多○蔓○草○番○取○竹○
 木○結○為○桴○架○水○上○藉○草○承○土○以○耕○遂○種○禾○稻○謂○之○浮○
 田○水○深○魚○肥○且○繁○多○番○不○用○罾○罟○駕○蟒○甲○挾○弓○矢○射○
實○在○快○活○之○須○臾○盈○筐○發○家○藏○美○酒○夫○妻○子○女○大○嚼○高○歌○洵○不○
 知○帝○力○於○何○有○矣○蟒○甲○番○舟○各○刻○獨○木○為○之○划○雙○槳○
 以○濟○大○者○可○容○十○餘○人○小○者○三○五○人○環○嶼○皆○水○無○陸○
番○子○火○路○出○入○胥○用○蟒○甲○外○人○欲○詣○其○社○必○舉○草○火○以○煙○起○
號○為○號○則○番○刺○蟒○甲○以○迎○不○然○不○能○至○也○嗟○乎○萬○山○之○

內○有○如○此○水○大○水○之○中○有○此○勝○地○浮○田○自○食○蟒○甲○往○
此○仇○池○公○還○清○開○來○仇○池○公○安○足○道○哉○武○陵○人○悞○入○桃○源○余○曩○者○嘗○疑○
 其○誕○以○水○沙○連○觀○之○信○彭○澤○之○非○歎○我○也○但○番○人○服○
言○本○意○教○未○深○必○時○挾○軍○士○以○來○遊○於○情○弗○暢○且○恐○山○靈○笑○
無○限○深○情○我○所○望○當○局○諸○君○子○修○德○化○以○淪○浹○其○肌○膚○使○人○人○
 皆○得○宴○遊○焉○則○不○獨○余○之○幸○也○已○水○沙○連○內○山○產○土○
 茶○色○綠○如○松○蘿○味○甚○清○冽○能○解○暑○毒○消○腹○脹○亦○佳○品○
 云○

山中奇景耳目一新但番人服教未深必挾軍士

以遊殊少雅趣。修德馴番，使人人皆得往遊。是作者立言本旨，固知不在登臨適興也。



紀竹塹埔


竹塹埔寬長百里，行竟日無人煙。野番出沒，伏草莽以伺殺人，割首級，剝髑髏，飾金誇為奇貨，由來舊矣。行人將過此，必倩熟番挾弓矢為護衛，然後敢行。亦間有失事者，以此視為畏途。然郡城淡水上下，必經之地，不能舍竹塹而他之。雖甚苦，亦不得_{高○出○民○間○苦○情○}不行云。其地平坦，極膏腴，野水縱橫，處處病涉。俗所謂九十九溪者，以為溝澮闢田疇，可得良田數千頃，歲增民穀數十萬。臺北民生之大利，又無以加于此。然地廣無

人野番出沒必甚置村落設營汛奠民居而後及農
 畝當事者往往難之是以至今棄為民害不知此地
 終不可棄恢恢郡邑之規模當半線淡水之中間又
 為往來孔道衝要即使半線設縣距竹塹尚二百四
 十里不二十年此處又將作縣流移開墾日增日眾
 再二十年淡水八里坌又將作縣氣運將開非人力
 所能遏抑必當因其勢而利導之以百里膏腴天地
 自然之樂利而憚煩棄置為百姓首額疾蹙之區不
 知當事者於心安否也有官吏有兵防則民就墾如

歸市立致萬家不召自來而番害亦不待驅而自息
 矣天下無難為之事止難得有心之人竹塹經營中
 才可辦曾莫肯一為議及聽野番之戕害生民而弗
 恤豈盡皆有胸無心抑中才亦難得若是乎大抵當
 路大人末由至此故不能知而至此者雖知而不能
 言之故也留心經濟之君子當不以余言為河漢夫

絕好地方棄為民害使行人皺眉蹙額何等慘然
 經之營之則膏腴千頃烟火萬家又是何等氣象
 可見天地間缺憾留待賢才做事業者甚多特人

東征集卷二
不覺耳有胸無心可為長嘆



紀火山

海外奇聞何所不有。吾以耳目之所及為憑。其不及者多矣。一山生火說近荒唐。火出自水中。尤荒唐之甚者也。雖然固有之。臺灣火山有二焉。皆諸羅縣境內。一在半線以北。半線人為彰化縣。猫羅猫霧二山之東。晝常有煙。夜有光。生番所宅人跡莫至。吾聞其語而已。一在邑治以南。左臂玉案山之後。小山屹然。下有石罅。府泉滾滾。亂石間火出水中。無煙而有焰。焰騰騰高三四尺。晝夜皆然。試以草木投其中。則煙頓起。焰益烈。

頃刻之間所投皆為灰燼矣其石黝然堅不可破石
無○眼○感○慨○旁土俱燃焦其堅亦類石信宇宙之奇觀也於戲天
○比○是○立○言○本○上○下事之不可解非尋常所能測度類如斯已未嘗經
○比○是○立○言○本○上○目見耳聞自以為子智莫已若直夏虫不足與語冰
耳君子所以嘆學問無窮而致知格物之功又當兼
閱歷驗之也

天地間奇事儘多特人未之見耳即此悟學所謂
無不是學也

紀荷包嶼

辛丑秋余巡臺北從半線遵海而歸至猴樹港以南
○天○開○佳○景○平原廣野一望無際忽田間瀦水為湖周可二十里
水中洲渚昂然可容小城郭居民不知幾何家甚愛
○出○題○之問何所輿夫曰荷包嶼大潭也淋雨時鹿仔草大
糠榔坑埔之水注大潭中流出朱曉陂亦與土地公
港會大旱不涸捕魚者日百餘人洲中村落即名荷
○未○及○細○詳○所○以○止○言○大○畧○包嶼庄時斜陽向山驅車疾走未暇細為攬勝然心
焉數之矣水沙連潭中浮嶼與斯彷彿惜彼在萬山

中為番雛所私有不得與百姓同之無一念不在斯民可見後段未若斯之原田
 撫聽民往來耕鑿結廬棲舍於其間而熙熙相樂
 也余生平有山水癖每當茂林澗谷奇峯怪石清溪
 廣湖輒徘徊不忍去慨然有家焉之想而吾鄉山谷
 幽深崇巒疊嶂甲于天下所不足者河湖耳是以余
 之樂水更甚於樂山而過杭州則悅西湖過惠州又
 悅西湖入臺以來則悅水沙連杭州繁華之地惠州
 亦無曠土水沙連又在番山皆不得遂吾結廬之願
 如荷包嶼者其庶乎津有味建村落于嶼中四面皆水環水

皆田艤舟古樹之陰實在此活令入神往即在羲皇以上釣魚射獵無所
 不可奚事逐逐於風塵勞攘間哉所恨千里重洋僻
 在海外不得常觀光上國恐子孫渺見寡聞如夜郎
 之但知自大是則可憂也姑紀之以志不忘焉要山水
 戎馬風塵中忽然有山水高興蓋伏莽肅清桑麻
 遍野與民安樂之意也不知者以為認真欲結廬
 而居則悞矣文情清冷蕩漾亦似一泓秋水

紀臺灣山後崇爻八社

北路擒賊黃來混稱臺灣山後尚有餘孽三千人皆

長髮執械屯聚山窩耕田食力明知其謬亦遣弁員

往視之併記其地里情狀以來雖未可信其確無訛


舛亦足跡不到之一圖籍也山後有崇爻八社康熙三十四年

賴科等招撫歸附原是九社因水輦一社數年前遭疫沒盡全虛無人是止有八社東跨汪洋大海在崇山

峻嶺之中其間密箐深林岩溪窮谷高峯萬疊道路

不通土番分族八社曰芍椰椰曰斗難曰竹脚宣曰

薄薄為上四社曰芝武蘭曰機密曰猫丹曰丹朗為



下四社八社之番黑齒紋身野居草食皮衣革帶不

產俱已

瞭然明白

番人情形出

種桑田其地所產有鹿麕野黍薯芋之屬番人終歲

倚賴他無有焉自古以來人跡不到康熙三十二年

有陳文林侃等商船遭風飄至其處住居經年畧知

歸附根由

番語始能悉其港道於是大雞籠通事賴科潘冬等

前往招撫遂皆嚮化附阿里山輸餉八社與阿里山社合輸餉銀一百五十五兩二

錢三分

每歲賸社之人用小舟裝載布烟鹽糖鍋釜農

具往與貿易番以鹿脯筋皮市之皆以物交物不用

銀錢一年止一往返云其郡治水程由安平鎮大港

以下俱是路程

出口沿海邊而行喜西北風歷鳳山打狗西溪東港

大崑麓加六堂風港郎嬌至沙馬磯頭水道一十二

更又向東轉行山背當用南風過嶼卒老佛大紫高

蕭馬間卑南覓山外水道十更復至薄辦社水道三

地界明白

更此皆鳳山縣界也沿海北向直至崇文之石門港

口水道九更港內溪灘水急須待天清氣朗風平浪

此是下四社入路

靜用土番牽纜上灘入于大溪寓灣而大舟不得達

焉於是由山道灣進芝武蘭又三百里至機密又九

十里至猫丹五十餘里至丹朗四社熟番共二百四

十餘家。就歸附餉者言則近水沙連內山矣。至欲往上四社。

須從原路復出下灘往北駕駛水道二更方至筠榔

榔社二十餘里至斗難社又四十餘里至竹脚宣又

二十餘里至薄薄社四社熟番共二百三十餘家其

生番散處深谷不受教化者則不得而考矣東北山

外悉皆大海又當從水道沿山歷哆羅猴始到蛤

仔難。蛤仔難三十六社與三朝山雞籠相近水道二十一更南路船無有過者

惟淡水社船由大雞籠三朝而至云嗟乎天下事非

躬親目覩未免揣筭疑鐘今茲所云豈可盡信水道

太遠不無虛張但山後險阻情勢大畧不過如此與

余平昔所聞十九脗合則姑存其論可也曩者南路

擒賊鄭固亦稱王忠逃匿山後大湖有黨千人經遣

弁賫檄往卑南覓諭大土官文結鼓舞七十二社土

番遍山搜捕並無逸賊及漢人踪跡惟崇文八社未


至今崇文以內如此奸匪安得有容身之地乎但臺

灣海外巖疆五方雜處雖時際隆平不能保百年無

事將來匪類窮蹙必以山後為避兵之所當局者識

之。

窮荒極遠人跡鮮到之地亦留心考究至此宜奸
究之無所遁藏也筆底明朗一目了然較之聚米
爲山谷者更覺直捷



覆臺變殉難十六員看語

看得臺灣土賊朱一貴等倡亂陷沒全臺武職自總

兵官以下把總以上死事各員所處之地不同所以

死者亦異臺協水師如副將許雲左營遊擊游崇功

此身在水師事起陸路領兵救援鄰境而血戰捐軀

者也如中營把總李茂吉則隨許副將救援力戰被

執不屈罵賊而死者也如中營千總林文煌右營千

總趙奇奉則隨許副將救援在陣戰亡而文煌又與

其弟文甲俱亡者也如汀州鎮中營把總石琳則帶

領班兵到臺遭亂赴敵而力戰陣亡者也如北路營
 參將羅萬倉則鄰境寇來無城可據而血戰捐軀併
 其妾多一節烈蔣氏守義自縊者也如臺鎮總兵官歐陽凱鎮
 標左營守備胡忠義中營千總蔣子龍把總林彥此
 倉粹御敵在陣戰亡而左營千總陳元則先於赤山
 殺賊力戰身亡者也如南路營守備馬定國把總林
 富書法此身在地方變起倉猝而林富則在陣戰亡馬定
 國則戰敗自刎者也如鎮標左營游擊孫文元則奔
 至鹿耳門赴海而死者也如南路營參將苗景龍則

身○在○地○方○備○禦○無○術○倉○皇○戰○敗○逃○匿○萬○丹○港○涵○廬○三

日○賊○執○而○殺○之○者○也○以○上○一○十○六○員○或○勇○赴○鬪○而○死

於○忠○或○寇○臨○境○而○死○於○義○或○事○已○壞○而○死○於○勢○惟○苗

參○將○稍○滋○口○實○餘○皆○捐○軀○報○國○不○為○苟○且○偷○生○有

殉○封○疆○無○虧○臣○節○職○等○研○訊○親○屬○証○見○人○等○其○被○害

情○形○月○日○亦○既○歷○歷○有○據○并○據○各○具○供○結○前○來○並○非

影○響○傳○會○應○請○特○疏○題○旌○分○別○贈○秩○優○卹○襲○蔭○以

慰○海○外○幽○魂○作○忠○貞○義○烈○之○氣○使○千○秋○將○士○咸○知○沙

場○馬○革○為○人○生○莫○大○之○寵○榮○有○功○世○教○不○淺○矣

東征集卷一
舍生取義骨有餘香因被殺而全名事亦可取字
裏行間各分輕重此春秋書法也文字之高潔又
不待言

覆臺變逃回澎湖押發軍前効力奉參解任十

六員看語

看得臺灣亂賊朱一貴等攻陷臺府鎮協戰死郊垆

諸○人○罪○案○已○出

弁兵膏塗原野奉參遊擊周應龍張彥賢等以下一

先○總○提○後○分○錄○章○法○爽○朗

十六員有戰敗而逃者有未嘗戰而逃者有病不能

戰而逃者有自外汛調回無及于戰而逃者所以逃

之故不同及其効力立功則一也戰敗而逃為臺鎮

右營遊擊周應龍道標守備王國祥千總許自重臺

協中營把總李碩碩之戰在南路赤山被傷奔府府

陷不能再戰遂奔舟自重之戰在南教場敗走海邊

遇萬守備哨船救載國祥帶兵在臺鎮軍前往來督

守被賊衝散投奔道船應龍之戰在岡山捕賊逗留

不進及劄二濫縱番兵淫殺焚掠民不堪命附賊始

多賊復號召豎旗環攻南路營應龍戰敗被傷奔回

臺府賊隨之至府亦繼陷遂奔內地直至泉州其未

嘗戰而逃者為臺協水師中營遊擊張彥賢守備凌

進左營守備萬奏平右營遊擊王鼎守備楊進千總

朱明皆身在船中並無打仗見賊陷郡揚帆逃出水

師中營千總劉清帶兵三十名鯤身伏路右營把總

鄭耀自打狗港調回協同劉清伏路皆未赴敵見張

彥賢等俱去相率隨之其病不能戰而逃者為水師

左營把總陳福右營把總尹成二人皆血疾在先給

假醫治及賊陷府不能打仗家丁方清吳麟進仔等

扶去舟中跟踪逃入澎湖其自外汛調回無及干戰

者為水師中營把總牛龍左營把總陳奇通奇通從

笨港汛奉調帶兵船二隻于初三日到鹿耳門則賊

已陷府據安平鎮力不能敵收歸澎湖兵船器械無

失牛龍分防蚊港。五月初一日奉調離汛。初二日至鹿耳門。見府已陷。不敢深入。將所領兵船一隻。駕回澎湖。此十六員逃澎之大槩也。至于隨師征臺効力立功。則周應龍、張彥賢、王鼎、楊進、凌進、萬奏、平、王國祥、朱明、劉清、鄭耀、李碩、陳奇、通、陳福、尹成等十四員。共集親丁一百八人。駕船二隻。于六月十六日隨大軍攻入鹿耳門。安平鎮擒斬賊夥蔡迎、陳喜、陳平、周富、曾平、楊奎等六名。十七十九兩日俱在鯤身打仗。二十三日同入臺灣府治。二十八日復隨軍往大穆。

降殺賊牛龍從守備魏大猷。許自重從參將王萬化。俱于十六日同入鹿耳門。復安平鎮。龍持火罐燒賊船。自重擒賊鄭氣十七十九等。日俱在鯤身打仗。二十一夜復隨大軍由西港仔登岸。在蘇厝甲竿寮地方大敗賊眾。二十三日同入府治。此十六員効力立功之大槩也。按其功則十四員同舟同隊同行同止。未嘗有功多功少之異。牛許二員亦如一轍焉。按其罪則周應龍為重。雖有逐隊入臺之功。未贖玩寇殃民。喪師棄地。潛逃之惡。而張彥賢、王鼎、萬奏、平、凌進

總論功罪


大公至正之論雖聖人不能

易也

楊進朱明等次之六員皆水師將弁其協主許副將
有○何○辯○處○可○為○髮○指○刀戰至死何以袖手旁觀不交一陣今乃能捨命赴
敵○共○建○勳○猷○何○其○怯○于○前○而○勇○于○後○也○則○功○固○有○而
罪○亦○不○可○恕○也○五國祥許自重戰而不勝劉清鄭耀
帶兵僅三十人伏路經身而未嘗見敵薄乎云爾李
碩先戰傷就醫後乃扶傷偕遁陳福尹成抱病先經
數月情似皆有可原至牛龍陳奇通遠汛調回在郡
陷越日之後赴澎請救則又難以必死責之矣茲皆
此○是○公○論○不○是○寬○恕○隨師戮力罔憚勤勞似可仰邀原宥補過論功如牛

陳二弁或還其官餘人或待不死是則
聖○朝○寬○大○之○恩○而○亦○憲○臺○再○造○生○成○之○德○非○職○等○所
敢擅議者也

以春秋之筆法定諸人之功罪情事既較若列眉
重輕亦不差累黍可為千秋鐵案



覆臺變在事武職四十一員看語

臺灣遭朱一貴之亂。全部陷沒。在事武職大小七十

餘員。或血戰捐軀。或逃歸澎湖。或顛沛賊中。馳驅險

難。行徑不一。除陣亡殉難十六員。勘結請旌奉祭。逃

回澎湖。押發軍前。効力十六員。另案審覆。尚有坎陷

在臺。未分黑白。如遊擊劉得紫等。以下四十一員。既

已奉憲行查。不可不逐。一確勘情形。俾無遺漏者也。

鎮標中營遊擊劉得紫。當賊寇披猖。血戰用命。及力

竭。被執。抗節不移。求埋前鎮屍身。從容受刃。賊亦義

總括提明分作三案

如此方是箇漢

入題

而不殺。羈禁學宮。朱子祠七日。水漿不入口。後聞諸賊皆烏合。可破。乃聽士民勸進粥食。延性命以待王師。被禁五十餘日。堅貞不變。可謂疾風之勁。草板蕩之忠。臣應請特疏題旌。以勵千秋志節。而况大兵入臺。得紫多募丁壯。隨師勦平北路。大穆降之捷。溝尾庄之勞。其功亦有足紀者乎。鎮標中營守備張成力戰被傷。為賊所執。中夜自經。二次繩斷。不得死。賊亦憐之。聽兵丁林張保釋。匿方賦家中。五十餘日。大師入臺。則大穆降。溝尾庄二處。與有勞焉。北路營千總

無愧華家之復

可敬可愛

尚未失節

陳徽把總鄭高。則兵敗各帶重傷。行遯復能糾合鄉勇。攻諸羅于大兵未至之先。斬賴元。改頭祭羅。祭將

人意

此舉頗快

可謂壯矣。雖為翁飛虎江國論所敗。仍舊退走入山。然及王師北指。皆隨大軍。撫賊曾賢李德。則二弁之無受偽。可徵也。北路營左哨千總龔捷。則自八里岔奉調回營。中途遇賊四起。遯入北投社。鼓舞番眾。招集難民為兵。據守殺賊。後又協保半線。迎師大肚。有押運軍需奔走接濟之勞。北路營把總吳德光。則兵寡戰敗。赴淡水營請援。隨引兵據守南次。復同援淡

大師至牛線駐防鎮標右營千總馬雲驥則戰敗棄
 馬夜行晝伏至十八重溪與許興吳林朋等糾募鄉
 勇八百人豎亦○是○陳○鄭○之○流○大清旗號據險守隘以待援師復隨
 大軍在大穆降戰勝則三弁○筆○之無受偽而有効力可
 徵也海壇鎮標左營把總李信則帶領班兵到臺經
 于四月二十二日換回登舟值賊竊發前鎮檄留軍
 前血戰遍體重傷雜在死屍之內其妹夫王宋收埋
 裏去得活大兵入臺三閱月醫治方愈該弁無汛守
 地方之責有冒死血刃之戰其無從賊又不問可知

也海壇鎮標右營把總陳宋亦帶領班兵到臺戰敗
 被傷望門投匿欲薙髮為僧因魁偉多髭僧不納避
 難數家皆有實據鎮標右營把總吳益先從周應龍
 在南路赤山戰傷奔府府陷為賊所擒迫使服官不
 受幸與中營劉遊擊同禁朱子祠得不辱後隨師在
 大穆降殺賊得勝南路營把總張文學身在地方三
 戰三北為賊所擒亦與中營劉遊擊同在禁中六日
 不屈踰牆夜遁往獅子巖為僧大師入臺集義民四
 百餘人隨軍効力復召回舊兵四百人巡防搜捕鎮

標中營把總周應遂在南路赤山戰傷被擒繫縲牛車於春牛埔陣上遇陳宋救回及府陷往黃蘗寺為僧在寺中密製大清旗與千總康朝功把總李先春韓勝等謀為內應事洩奔逃後隨師大穆降擊賊及北路安撫客庄鎮標左營把總李先春戰傷被擒不降獸醫魏本忠保之得釋與黃蘗寺謀內應不果後隨軍大穆降殺賊北路中路皆有奔走効勞臺協水師右營把總韓勝戰敗負傷逃匿潛與黃蘗寺謀內應不果○之○事○無○成○屢書弗○前嘉其志也張紹奔赴紹為賊追殺

勝亦被傷入海中路北路皆隨師奔走効勞淡水營俸滿千總何太武先于二月內離營給咨文赴廈因病稽遲及府陷削髮為僧與黃蘗寺謀內應不果及投大師亦有奔馳押運之勞北路營把總王有才帶兵守隘為賊所執縛去水窟頭黃趙賴承店中有私釋其縛者縱使行迹匿大排竹民家鎮標中營把總王道隆左營把總陳雲南路營把總陳有祥皆戰傷避匿民舍及投大師道隆招賊蔡鎮一名與陳雲同在大穆降殺賊有祥奔馳南北路獲賊吳亞一名鎮

標右營把總李貞先于三月內嘔血給假醫治及賊陷府伏枕奄奄至今尚病危不起則諸弁之無從賊亦可知也。金門鎮標右營千總康朝功帶領班兵到臺戰敗被傷雜死屍以免及府陷為賊所擒賂賊兄戴顯得釋入黃蘗寺為僧與周應遂等謀內應事洩逃匿破柩六日僧寄淵密送飯食得不死或有言其在戴穆轅門服職審無實據而黃蘗內應之謀則其事甚真果有從賊服職何必為僧即曰戴穆殺後何非戴穆而潛身破柩與死為鄰終隨大師在大穆降

殺賊屢勝則該弁亦確無受偽而有馳驅効力之據者也。鎮標左營把總許陞右營把總黃陞賊至先遁並無接載及大師平臺大穆降之役皆有與焉。鎮標右營千總李由戰敗逃散至六月二十八日出投大師或有言其從賊服役而李由堅不招承且云有沈堯巫三元可証則踪跡未可定也。道標把總陳喜或有言其在林曹處辦事而該弁則供為林曹所獲僧寂興保之得免則踪跡未可定也。南路營千總阮欽據供亦有戰傷亦無從賊且有擒獲賊首顏子京之

功。但據該營隊目姜發、蔡昇、王國文、李春等供稱。四月二十七日，南路營失陷。阮欽並無見陣，不知去向。至顏子京係眾目兵所獲，而千總在府，有無從賊。百隊不敢保。則阮欽踪跡未可定也。把總李興盛為賊首。郭國正所擒。據姜發、蔡昇、王國文、李春等供稱。四月二十九日，興盛脅從于國正。六月二十三日，有同百隊將鄭定瑞首級解赴軍前。而該弁堅供並未從賊。有陳石林、堯等保結。則踪跡亦未可定也。北路營把總葉旺則兵敗潛匿民家。聞陳徽、鄭高募兵攻諸

羅。出與共事。旋又失去。及投大師。招出賊目陳奏凱一名。但羅叅將家人現在首告。其從賊則踪跡亦未可定也。臺協水師左營把總涂勳據供。分防鹿仔港。于五月初三日，奉檄調帶兵五十名配船三隻。初五夜入鹿耳門。到安平鎮。始知府陷。令各兵密埋軍器。紅毛城側散匿民家。此說殊不可信。賊既陷府五日。口岸戒嚴。豈容夜舟潛入鹿耳。復抵安平。且既知賊據無故意。登岸埋藏軍器之理。安平地方淺狹。難藏。難藏安得五十名兵。皆有親戚窩匿。無人知覺。或有

言其初五晚舟至隙子被擒在賊首黃日昇處六七
日而該弁並不實供求工反拙又亦未可遽定也則
李由陳喜阮欽李興盛及葉旺徐勳等六弁應請憲
臺親訊定奪南路營千總張世德托故先逃遂回內
地至今行提並未到案無從查核經于詳明臺回千
總俸乾事赴藩司取供在案應行司就近勘詳另報
鎮標中營把總王丑並未見敵接戰于五月初一日
賈公文赴鹿耳門望見府陷遂奔澎湖復搭得勝鳥
商船逸去泉州其後隨師効力同入鹿耳安平當與



奉參退澎十六員一體擬議在周應龍張彥賢之間

澎協右營把總吳良在臺修理戰艦偕賊回澎經前
提督訊解督部院軍前尋亦病死南路營把總薛雄
已經病故無庸再議北路營守備劉錫因公赴省領
餉臺協左營千總董方奉差赴廈接餉中營把總李
祐赴廈考驗賊亂時皆不在臺均應于全臺底定事
案內確查功績議敘南路營把總魏明賊亂時先已
離臺赴考後隨師救援淡水澎協左營千總李耀國
在臺修理戰艦府陷回澎後隨師往援淡水把總陳

賢。四月內護商到臺。二十八日奉差赴澎請援。奔馳
廈省。後隨師往援淡水。淡水營把總湯喬在臺修理
戰艦。府陷仍回淡水。金門鎮標右營千總劉使帶領
班兵赴淡。換回至牛罵汛。聞賊陷府。仍帶班兵回淡
協防。均應于遵。旨事案內同淡水官兵一體議敘。
總○束○一○句○老○氣○無○敵○此四十一員中立功罪之大槩也。除劉錫董方等八
員另查功績分報。張世德一弁就近勘詳。另擬薛雄
吳良已故無庸更議。其餘三十員中從容就義臨大
高○唱○入○雲○節而不可奪。當以劉得紫為第一。而間關險難力圖

恢復之。陳薇、鄭高、龔捷、吳德光、馬雲驥等次之。李信、
陳宋、張成、吳益又次之。黃蘗之謀事雖不就。其志可
嘉。則周應遂等諸人又次之。其餘或擒或免。竄身草
總○一○証○佐○澤髮辨完全。均無疑議。雖內有許陞、陳雲、李先春、韓
無○辨○者○亦○為○開○脫○勝等四弁割髮逃生。皆由勢窮力竭。混跡躲避。實非
從賊。即李由、陳喜等數弁踪跡未明。另請覆訊。亦未
族○屬○可○免○他○罪○亦○難○故○寬○有受賊要職。顯然殺害官兵。焚夷民庶。不過畏死貪
生。覲顏喪節。應否從寬。從嚴。統俟憲臺親訊定奪。非
職等所敢遽議者也。

四十餘員功罪頭緒事蹟多如亂麻名于次第條
 貫之總提總結一線穿成有羣山赴荆門之勢中
 間干蹊萬徑高高下下一目可了字裏風霜鉄錢
 言外華衮笙簧相形並至稍有人心者讀之斷不
 敢縮頸貪生覩顏喪節有功世道之文也



70027668

